


崔舍人玉堂類藁  
附錄  
一







崔舍人玉堂類藁

附 錄

(一)

崔敦詩著

# 崔舍人玉堂類藁目錄

## 第一卷

### 內制

王淮除樞密使制

皇叔祖士歆除節度使制

趙雄王淮日曆轉官加恩制

趙雄修進勅令賞格轉官加恩制

皇叔祖士勳明堂轉官加恩制

皇兄居廣明堂轉官加恩制

王淮修進四朝史志轉官加恩制

史浩除少師制

王淮除右丞相制

明堂御札

賜科舉門下詔

第二卷

內制

史浩明堂加恩制

鄭藻明堂加恩制

吳拱明堂加恩制

蒲察久安明堂加恩制

皇弟居中明堂加恩制

成閔明堂加恩制

悉里地茶蘭固野明堂加恩制

曾懷除右丞相制

楊俊除節度使制

曹助除開府制

葉衡進玉牒轉官加恩制

趙雄除右丞相制

第三卷

批答

賜劉懋再辭免加食邑不允批答

賜姚憲再辭免除參知政事不允批答

賜葉衡再辭免除端明殿學士僉書樞密院事不允批答

賜王友直再辭免除奉國軍節度使加食邑實封不允批答

賜葉衡再辭免除參知政事不允批答

賜楊俛再辭免除靖海軍節度使簽書樞密院事進封鴈門郡開國侯加食邑實封不允批答

賜曾觀再辭免除開府儀同三司加恩不允批答

賜皇子魏王愷再辭免除改判明州軍州事加食邑實封不允批答

賜葉衡再辭免除通奉大夫右丞相兼樞密使進封東陽郡開國公加食邑實封不允批答

賜葉衡再辭免除右丞相兼樞密使不允批答

賜李彥穎再辭免除端明殿學士僉書樞密院事不允批答

賜少保右丞相史浩再辭免進玉牒回授轉官依例加恩不允批答

賜史浩再辭免除少傅保寧軍節度使充醴泉觀使兼侍讀加食邑實封不允批答

賜趙雄再辭免特授右丞相正議大夫加食邑實封不允批答

賜王淮再辭免特授樞密使太中大夫加食邑實封不允批答

賜士欽再辭免除保康軍節度使加食邑實封不允批答

賜王淮再辭免預修日曆轉官加恩不允批答

賜趙雄再辭免監修日曆轉官加恩不允批答

賜錢良臣再辭免修進日曆轉官加恩不允批答

賜趙雄再辭免監修日曆轉官加恩不允批答

第四卷

批答

賜王淮再辭免預修日曆轉官加恩不允批答

賜趙雄再辭免修進勅令轉官加恩不允批答

賜錢良臣再辭免修進勅令轉官加恩不允批答

賜趙雄再辭免進呈會要提舉官轉官加恩不允批答

賜錢良臣再辭免進呈會要禮儀使轉官加恩不允批答

賜王淮再辭免提舉經修會要轉官不允批答

賜史浩辭免已進會要經修不經進提舉官轉官令回授不允批答



賜士勳再辭免除少師加食邑實封不允批答

賜居廣再辭免特授少傅加食邑實封不允批答

賜士勳再辭免除少師加恩不允批答

賜居廣再辭免除少傅加恩不允批答

賜趙雄辭免進玉牒提舉官轉官加恩不允批答

賜錢良臣辭免進玉牒禮儀使轉官加恩不允批答

賜趙雄再辭免進玉牒提舉官轉官加恩不允批答

賜周必大再辭免除參知政事不允批答

賜謝廓然再辭免除端明殿學士簽書樞密院事不允批答

賜趙雄再辭免進史志提舉官轉官加恩不允批答

賜錢良臣再辭免進史志禮儀使轉官加恩不允批答

### 第五卷

#### 批答

賜周必大再辭免經修史志轉官不允批答

賜王淮再辭免經修史志前權提舉官轉官不允批答



賜史浩再辭免進讀正說終篇轉官不允批答

賜史浩再辭免除少師依前保寧軍節度使充醴泉觀使任便居住進封魯國公加食邑實封不

允批答

賜史浩再辭免除少師不允批答

賜鄭聞新除四川宣撫使再辭免除資政殿大學士不允詔

賜中大夫提舉江州太平興國宮林安宅辭免除龍圖閣學士不允詔

賜新知揚州王琪辭免差充荆鄂駐劄御前諸軍統制不允詔

賜錢端禮陳乞奉祠不允詔

賜史浩再辭免加食邑實封不允詔

賜姚憲辭免差同詳定一司勅令權監修國史不允詔

賜吳拱辭免進封武功郡開國公加食邑實封不允詔

賜曾懷乞解罷機政不允詔

賜右丞相曾懷再降詔不允詔

賜錢端禮辭免除觀文殿學士不允詔

賜錢端禮再辭免除觀文殿學士不允詔

賜王友直辭免除奉國軍節度使依前殿前副都指揮使加食邑實封不允詔  
賜李彥穎乞除一在外宮觀或待次小郡差遣不允詔  
賜士矩辭免特差知南外宗正事不允詔

第六卷

批答

賜史浩辭免已進會要經修不經進提舉官轉官不允詔  
賜建康留守陳俊卿乞歸老田里不允詔  
賜史浩再辭免進會要轉官令回授宜允詔  
賜程大昌辭免除敷文閣直學士與郡不允詔  
賜四川制置使胡元質辭免除敷文閣令再任不允詔  
賜周必大辭免除吏部尙書兼翰林學士承旨不允詔  
賜兩浙東路安撫使李彥穎乞昇一宮觀不允詔  
賜工部侍郎吳淵乞免兼知臨安府不允詔  
賜留正辭免復謨顯閣直學士不允詔  
賜胡銓辭免召赴行在乞檢會前奏許休致不允詔

賜張說辭免差提舉臨安府洞霄宮任便居住不允詔

賜李彥穎乞檢會累奏差宮觀不允詔

賜韓彥古辭免除敷文閣直學士在外宮觀不允詔

賜曾懷辭免除觀文殿大學士提舉江州太平興國宮不允詔

賜參知政事姚憲乞就祿祠庭不允詔

賜陳俊卿辭免以郊祀大禮慶成加恩不允詔

賜李彥穎辭免除吏部尙書乞在外宮觀不允詔

賜曾懷再辭免除光祿大夫右丞相加食邑實封不允詔

賜曾懷辭免提舉國史院實錄院國朝會要所勅令所不允詔

賜鄭聞辭免除參知政事乞除在外宮觀不允詔

賜韓彥直辭免除戶部尙書不允詔

賜張說辭免除太尉提舉隆興府玉隆觀任便居住加食邑實封不允詔

賜張說再辭免除太尉提舉隆興府玉隆觀不允詔

第七卷

批答

賜曾觀辭免除開府儀同三司加食邑實封不允詔

賜汪大猷辭免差知隆興府不允詔

賜曹勛辭免除開府儀同三司不允詔

賜龔茂良辭免除禮部侍郎不允詔

賜吳挺辭免除定江軍節度使加食邑實封不允詔

賜皇太子

光宗

辭免男

諱

除正任觀察使封國公女封郡主不允詔

賜翰林學士周必大乞授在外宮觀不允詔

賜少保右丞相史浩乞歸田廬不允詔

賜史浩辭免特授少傅保寧軍節度使充醴泉觀使俾仍舊秩奉外祿不允詔

賜趙雄辭免特授右丞相不允詔

賜王淮辭免除樞密使不允詔

賜史浩辭免弟溥長子彌大女夫李友直夏鼎各與差遣并親屬恩數不允詔

賜周必大辭免除禮部尚書兼翰林學士不允詔

賜劉孝睦辭免除兵部侍郎不允詔

賜錢愷辭免令赴行在奏事不允詔

賜曾觀辭免除少保寧武軍節度使加食邑實封不允詔

賜新授少保寧武軍節度使充醴泉觀使曾觀辭免擇日備禮冊命宜允詔

賜四川制置使胡元質辭免除龍圖閣直學士不允詔

賜皇弟璩辭免特授少傅依前靜江軍節度使充醴泉觀使恩平郡王不允詔

賜皇弟璩辭免備禮冊命宜允詔

賜皇子判寧國府事魏王愷辭免除改判明州軍州事不允詔

賜知池州張掄辭免召赴行在乞除在外宮觀不允詔

賜龔茂良辭免除參知政事不允詔

賜右丞相曾懷乞解罷機政不允詔

賜楊倓辭免知荆南府不允詔

賜右丞相曾懷再乞解罷機政不允詔

賜新除參知政事龔茂良辭免差同提舉勅令所權監修國史日曆所不允詔

第八卷

批答

賜知紹興軍府事錢端禮乞仍舊外祠不允詔

賜李彥穎辭免除端明殿學士簽書樞密院事乞在外差遣不允詔

賜知建康府胡元質辭免召赴行在不允詔

賜王淮辭免除翰林學士不允詔

賜留正辭免除權吏部尙書不允詔

賜趙雄辭免玉牒進書禮儀使轉官加恩不允詔

賜鄭藻辭免加恩不允詔

賜魏王再辭免加恩不允詔

賜王抃辭免除觀察使不允詔

賜沈度辭免除權兵部尙書不允詔

賜皇弟璩辭免加恩不允詔

賜蒲察久安辭免加恩不允詔

賜曹勛辭免加恩不允詔

賜吳拱辭免除武康軍節度使不允詔

賜黃中辭免除龍圖閣學士依所乞致仕止令守本官職致仕不允詔

賜居中辭免加恩不允詔

賜曾觀辭免加恩不允詔

賜知泉州汪大猷乞歸就祠祿不允詔

賜李顯忠再辭免加恩不允詔

賜新特改添差江南東路馬步軍副都總管王琪辭免差知揚州不允詔

賜四川宣撫使虞允文乞致仕退安田里不允詔

賜參知政事錢良臣乞重行黜削謹家居待罪不允詔

賜秦埴辭免改差知秦州不允詔

賜梁克家辭免差知福州不允詔

賜知閣門事王抃乞在外宮觀不允詔

賜知紹興軍府事李彥穎乞宮觀不允詔

賜程大昌辭免除權吏部尙書不允詔

賜禮部尙書周必大辭免預修日曆轉官不允詔

賜王希呂辭免除兵部尙書兼給事中不允詔

賜周必大乞在外宮觀不允詔



賜周必大辭免皇太子講禮記終篇轉官不允詔

賜吳淵辭免修蓋後殿了畢轉官不允詔

賜趙雄辭免進呈會要提舉官轉官加恩不允詔

賜錢良臣辭免進呈會要禮儀使轉官加恩不允詔

賜范成大辭免差知明州不允詔

賜楊俊再辭免知江陵府乞依舊宮觀不允詔

賜張子顏辭免除敷文閣直學士不允詔

賜吳淵辭免除權工部尙書不允詔

賜王希呂辭免玉牒進書轉官不允詔

賜梁克家乞除在外宮觀不允詔

賜史浩辭免經筵進讀三朝寶訓終篇轉官可特回授不允詔

賜史浩再辭免轉官回授不允詔

賜陳俊卿辭免除少保加恩不允詔

賜周必大辭免同提舉勅令所不允詔



賜王淮辭免樞密使日參如遇押班亦免宣名不允詔

賜張子顏辭免差知紹興府不允詔

賜趙雄辭免進呈史志提舉官轉官加恩不允詔

賜錢良臣辭免進呈史志禮儀使轉官加恩不允詔

賜德壽宮婉儀張氏三上表辭免進封太上皇帝淑妃不允詔

賜德壽宮淑妃張氏辭免令所司擇日備禮册命宜允詔

賜趙雄再辭免進呈史志轉官加恩不允詔

賜王淮辭免經修史志前權提舉官轉官不允詔

第十卷

批答

賜周必大辭免經修史志轉官不允詔

賜王希呂辭免修進史志轉官減磨勘不允詔

賜芮輝辭免修進史志轉官減磨勘不允詔

賜史浩再辭免進呈史志依進徽宗實錄例推恩特依所乞許回授不允詔

賜陳俊卿乞檢會累奏許令致仕不允詔

賜閻蒼舒辭免除吏部侍郎不允詔

賜士欽辭免除嗣濮王加恩不允詔

賜知明州范成大辭免除端明殿學士不允詔

賜梁克家辭免復觀文殿學士乞宮觀不允詔

賜史浩辭免經筵進讀正說終篇轉官不允詔

賜參知政事錢良臣周必大以積雨未霽乞先次貶秩不允詔

賜右丞相趙雄以積雨未霽乞先次貶秩不允詔

賜范成大再辭免除端明殿學士不允詔

賜梁克家再辭免復觀文殿學士依舊知福州乞除在外宮觀不允詔

賜知泉州程大昌乞在外宮觀不允詔

賜史浩辭免進讀正說終篇轉官回授不允詔

賜史浩再上奏劄子乞歸田里不允詔

賜史浩再辭免進讀轉官回授不允詔

賜史浩辭免今來所授官稱與先臣師仲適同乞特許辭避不允詔

賜趙雄乞上還丞相印綬畀以外祠不允詔

賜趙雄辭免特授觀文殿大學士四川安撫制置使兼知成都府乞除在外宮觀不允詔

賜王淮辭免特授光祿大夫右丞相兼樞密使進封福國公加食邑不允詔

賜謝廓然辭免除同知樞密院事不允詔

賜王淮辭免提舉編修玉牒國史院國朝會要所勅令所不允詔

賜錢良臣辭免除資政殿學士乞奉祠田里不允詔

賜謝廓然辭免權監修國史日曆不允詔

賜兵部侍郎芮輝辭免兼侍讀不允詔

賜蕭燧辭免除吏部侍郎不允詔

賜梁克家乞昇以外祠不允詔

第十一卷

青詞表疏

建康府開啓天申聖節道場青詞

滿散朱表

太一宮太上皇帝丁亥本命青詞

滿散朱表



太一宮太上皇帝丁亥本命青詞

滿散朱表

太一宮壽聖明慈太上皇后生辰青詞

滿散朱表

萬壽觀開啓會聖節道場青詞

滿散朱表

太乙宮開啓會慶節靈寶道場青詞

滿散朱表

建康府開啓會慶聖節道場青詞

滿散朱表

建康府會慶聖節道場青詞

滿散朱表

萬壽觀太上皇帝丁亥本命青詞

滿散朱表

萬壽觀太上皇帝本命青詞

滿散朱表

萬壽觀安奉丁亥丁未本命位牌青詞

滿散朱表

萬壽觀太上皇帝丁亥本命青詞

滿散朱表

萬壽觀開啓天申聖節過場青詞

滿散朱表

萬壽觀太上皇帝丁亥本命青詞

滿散朱表

萬壽觀太上皇帝丁亥本命青詞

滿散朱表

太乙宮壽聖齊明廣慈太上皇后生辰青詞

滿散朱表

明堂大禮前天慶觀預告道場青詞

萬壽觀太上皇帝丁亥本命青詞

滿散朱表

明堂大禮畢告謝青詞

滿散朱表

太乙宮開啓會慶聖節道場青詞

滿散朱表

建康府啓建會慶聖節道場青詞

滿散朱表

萬壽觀開啓會慶聖節道場青詞

滿散朱表

萬壽觀太上皇帝丁亥本命青詞

滿散朱表

皇帝進奉壽聖明慈太上皇后生辰功德疏文

皇帝進奉壽聖明慈太上皇后生辰表詞

第十二卷

青詞表疏

萬壽觀太上皇帝丁亥本命青詞

滿散朱表

臨安府仲春就吳山英烈王廟設醮青詞

建康府茅山崇禧觀開啓天申節道場青詞

滿散朱表

萬壽觀開啓天申節道場青詞

滿散朱表

萬壽觀太上皇帝丁亥本命道場青詞

滿散朱表

臨安府仲秋醮祭吳山英烈王青詞

天慶觀報恩光孝觀青詞

太乙宮壽聖齊明廣慈太上皇后生辰青詞

滿散朱表

萬壽觀純福殿開啓安奉太上皇帝今上皇帝本命相屬星官位牌青詞

滿散朱表



萬壽觀申乞撰會慶聖節道場青詞

滿散朱表

太乙宮申乞撰會慶聖節道場青詞

滿散朱表

建康府茅山崇禧觀會慶聖節道場青詞

滿散朱表

天慶觀報恩光孝觀青詞

萬壽觀太上皇帝丁亥本命道場青詞

滿散朱表

萬壽觀太上皇帝丁亥本命青詞

滿散朱表

萬壽觀太上皇帝丁亥本命道場青詞

滿散朱表

萬壽觀天申聖節道場青詞

滿散朱表



太乙宮太上皇帝丁亥本命青詞

滿散朱表

太乙宮天申聖節道場青詞

滿散朱表

皇帝進奉太上皇后生辰青詞

皇帝進奉太上皇后生辰功德疏

太乙宮太上皇后生辰青詞

滿散朱表

萬壽觀會慶聖節道場青詞

滿散朱表

第十三卷

口宣

曾懷除右丞相賜告口宣

楊倓除靖海軍節度使賜告口宣

楊倓再辭免除靖海軍節度使不允口宣

會觀再辭免除開府儀同三司不允口宣

曹助除開府儀同三司賜告口宣

撫問新除參知政事鄭聞到闕并賜銀合茶藥口宣

金國賀會慶聖節使人到闕回程賜龍鳳茶并金鍍銀合口宣

賜殿前司滿散會慶聖節道場乳香口宣

賜樞密院官滿散會慶聖節道場乳香口宣

樞密院官赴貢院齋筵賜酒果口宣

賜步軍司滿散會慶聖節道場乳香口宣

賜皇太子府滿散會慶聖節道場乳香口宣

撫問皇子魏王愷到闕并賜金合茶藥口宣

金國賀會慶聖節使人回程平江府賜御筵口宣

赤岸賜御筵口宣

鎮江府賜御筵口宣

盱眙軍賜御筵口宣

赤岸賜酒果口宣

玉津園射弓賜酒果口宣

朝辭訖歸驛賜御筵口宣

朝辭訖歸驛賜酒果口宣

金國使人到闕玉津園賜御筵口宣

玉津園射弓賜例物口宣

賜宰執以下喜雪御筵口宣

皇太子魏王愷再辭免除改判明州不允批答口宣

撫問奉使金國報聘使副張子顏等到闕并賜銀合茶藥口宣

金國賀正且使人赴闕盱眙軍傳宣撫問并賜御筵口宣

平江府賜御筵口宣

鎮江府賜銀合茶藥口宣

鎮江府賜御筵口宣

赤岸賜御筵口宣

赤岸賜酒果口宣

葉衡再辭免除右丞相不允批答口宣



葉衡再辭免除右丞相不允批答口宣

李彥穎再辭免除端明殿學士簽書樞密院事不允批答口宣

葉衡轉官加恩賜告口宣

金國賀正旦使人到闕賜被褥鈔鑪等口宣

十二月三十日賜內中酒果口宣

正月一日入賀畢歸驛賜御筵口宣

正月一日入賀畢歸驛賜酒果口宣

正月三日賜內中酒果口宣

皇太子滿散會慶聖節道場乳香口宣

賜三省官滿散會慶聖節道場乳香口宣

賜樞密院滿散會慶聖節道場乳香口宣

賜殿前司滿散會慶聖節道場乳香口宣

賜馬軍司滿散會慶聖節道場乳香口宣

賜步軍司滿散會慶聖節道場乳香口宣

金國賀會慶聖節使人到闕賜被褥鈔鑪等口宣

回程賜使副冬至節絹口宣

賜三節人從冬至節絹口宣

亦岸賜御筵口宣

使人到闕在驛賜生餼口宣

玉津園射弓賜御筵口宣

賜三省官滿散天申聖節道場乳香口宣

賜三省官齋筵酒果口宣

賜步軍司滿散天申聖節道場乳香口宣

賜馬軍司滿散天申聖節道場乳香口宣

賜殿前司滿散天申聖節道場乳香口宣

明堂大禮禮畢宣勞將士口宣

右丞相趙雄再辭免勅令所修進一州一路酬賞轉官加恩不允批答口宣

參知政事錢良臣再辭免修進勅令賞格轉官加恩不允批答口宣

趙雄特授宣奉大夫依前右丞相魯郡開國公加食邑賜告口宣

趙雄再辭免進呈會要提舉官轉官加恩不允批答口宣

錢良臣再辭免進呈會要禮儀使轉官加恩不允批答口宣  
王淮再辭免提舉經修會要轉官不允批答口宣

史浩辭免進會要經修不經進轉官令回授不允批答口宣

撫問金國賀會慶聖節使人赴闕盱眙軍賜御筵口宣

赤岸賜酒果口宣

史浩轉官賜告口宣

曾覲轉官賜告口宣

鄭藻轉官賜告口宣

賜皇太子滿散會慶聖節道場乳香口宣

賜三省官滿散會慶聖節道場乳香口宣

賜樞密院滿散會慶聖節道場乳香口宣

賜殿前司滿散會慶聖節道場乳香口宣

賜馬軍司滿散會慶聖節道場乳香口宣

賜步軍司滿散會慶聖節道場乳香口宣

第十四卷

口宣

金國賀會慶聖節使人到闕玉津園射弓賜酒果口宣

朝辭訖歸驛賜酒果口宣

朝辭訖歸驛賜御筵口宣

回程赤岸賜酒果口宣

十月二十二日玉津園射弓賜御筵口宣

十月二十二日賜內中酒果口宣

賜宰執已下喜雪御筵口宣

史浩再辭免進玉牒回授轉官批答口宣

金國賀正旦使人赴闕盱眙軍傳宣撫問賜御筵口宣

平江府賜御筵口宣

鎮江府賜御筵口宣

鎮江府賜銀合茶藥口宣

賜接待使副春幡春勝口宣

賜金國賀正旦使副春幡春勝口宣

賜三節人從春幡春勝口宣

趙雄特授右丞相賜告口宣

王淮特授樞密使賜告口宣

史浩再辭免除少傅不允批答口宣

趙雄再辭免右丞相不允批答口宣

王淮再辭免樞密使不允批答口宣

金國賀正且使人赴闕赤岸賜御筵口宣

赤岸賜酒果口宣

士欽特授保康軍節度使賜告口宣

士欽再辭免保康軍節度使不允批答口宣

金國使人回程賜龍鳳茶并金鍍銀合口宣

平江府賜御筵口宣

盱眙軍賜御筵口宣

赤岸賜酒果口宣

金國使人到闕玉津園射弓賜酒果口宣



十二月二十八日賜生餼口宣

十二月三十日賜內中酒果口宣

正月一日入賀畢歸驛賜御筵口宣

正月一日入賀畢歸驛賜酒果口宣

賜被褥鈔鑼等口宣

正月三日賜內中酒果口宣

正月四日玉津園射弓賜御筵口宣

正月四日玉津園射弓賜弓箭例物口宣

密賜大銀器口宣

賜賀金國正旦使宇文价副使趙鼎到闕撫問并賜銀合茶藥口宣

王淮再辭免預修日曆奏成篇秩轉官加恩不允批答口宣

趙雄再辭免預監修日曆奏成篇秩轉官加恩不允批答口宣

錢良臣再辭免修纂日曆奏成篇秩轉官加恩不允批答口宣

趙雄再辭免日曆轉官不允批答口宣

王淮再辭免日曆轉官不允批答口宣

撫問賀金國生辰使錢沖之等到闕并賜銀合茶藥口宣

趙雄轉官賜告口宣

王淮轉官賜告口宣

賜皇太子滿散天申聖節道場乳香口宣

樞密院官滿散天申聖節道場乳香口宣

樞密院官齋筵酒果口宣

史浩加恩賜告口宣

鄭藻加恩賜告口宣

蒲察久安加恩賜告口宣

姚憲再辭免除參知政事不允批答口宣

葉衡再辭免除端明殿學士簽書樞密院事不允批答口宣

賜皇太子府滿散天申聖節道場乳香口宣

賜步軍司滿散天申聖節道場乳香口宣

賜樞密院官滿散天申聖節道場乳香口宣

樞密院官赴齋筵賜酒果口宣

王友直再辭免除奉國軍節度使不允批答口宣  
葉衡再辭免除參知政事不允批答口宣

金國使人赴闕肝胎軍賜御筵口宣

鎮江府賜茶藥口宣

鎮江府賜御筵口宣

赤岸賜御筵口宣

赤岸賜酒果口宣

金國使人到闕玉津園射弓賜弓箭例物口宣

朝辭訖歸驛賜御筵口宣

歸驛賜酒果口宣

玉津園射弓賜酒果口宣

回程賜龍鳳茶并金鍍銀合口宣

密賜使副大銀器口宣

交趾使人入貢玉津園賜御筵口宣

居中加恩賜告口宣

劉懋再辭免加恩不允批答口宣

第十五卷

口宣

金國賀會慶聖節使人回程盱眙軍賜御筵口宣

遇冬至節賜使副節絹口宣

賜三節人從冬至節絹口宣

鎮江府賜御筵口宣

使人到闕十月二十七日賜內中酒果口宣

玉津園射弓賜酒果口宣

回程赤岸賜御筵口宣

玉津園射弓賜例物口宣

上壽畢歸驛賜御筵口宣

十月二十一日賜內中酒果口宣

朝辭訖歸驛賜酒果口宣

在驛賜牲餼口宣

賜宰執已下喜雪御筵口宣

金國賀會慶節使人到闕賜被褥鈔鑼等口宣

賜射弓例物口宣

十月二十七日賜內中酒果口宣

密賜大銀器口宣

朝辭訖歸驛賜酒果口宣

回程鎮江府賜御筵口宣

在驛賜生餼口宣

賜射弓酒果口宣

賜步軍司滿散會慶聖節道場乳香口宣

賜馬軍司滿散會慶聖節道場乳香口宣

金國賀正旦使人赴闕鎮江府賜御筵口宣

鎮江府賜茶藥口宣

回程平江府賜御筵口宣

玉津園射弓賜酒果口宣

蘇子卿  
PDC

十二月三十日賜內中酒果口宣

回程賜龍鳳茶并金鍍銀合口宣

朝辭訖歸驛賜御筵口宣

回程赤岸賜酒果口宣

盱眙軍賜御筵口宣

上壽畢歸驛賜酒果口宣

回程赤岸賜御筵口宣

賜金國使副春幡勝等口宣

賜送伴使副春幡勝等口宣

賜金國三節人從春幡勝口宣

趙雄辭免轉官不允批答口宣

錢良臣辭免轉官不允批答口宣

周必大辭免轉官不允批答口宣

王淮辭免轉官不允批答口宣

賜王淮再辭免轉官不允批答口宣

賜王淮告口宣

撫問賀金國正旦使副葉宏等到闕并賜銀合茶藥口宣

撫問新知建康府范成大到闕并賜銀合茶藥口宣

賜進士聞喜宴口宣

史浩辭免轉官不允批答口宣

賜史浩除少師告口宣

史浩辭免特授少師不允批答口宣

史浩再辭免特授少師不允斷來章口宣

賜趙雄告口宣

賜王淮告口宣

金國賀會慶節使人回程盱眙軍賜御筵口宣

平江府賜御筵口宣

鎮江府賜御筵口宣

赤岸賜御筵口宣

赤岸賜酒果口宣

朝辭訖歸驛賜酒果口宣

玉津園射弓賜例物口宣

賜被褥鈔羅口宣

密賜大銀器口宣

回程賜龍鳳茶口宣

賜三節人從冬至節絹口宣

賜使副冬至節絹口宣

賜步軍司滿散會慶節道場乳香口宣

撫問金國賀正旦使人赴闕盱眙軍賜御筵口宣

平江府賜御筵口宣

鎮江府賜銀合茶藥口宣

鎮江府賜御筵口宣

赤岸賜御筵口宣

赤岸賜酒果口宣

赤岸賜酒果口宣



入賀畢歸驛賜御筵口宣

玉津園射弓賜例物口宣

玉津園賜御筵口宣

賜居廣批答口宣

賜士暢再辭免不允斷來章批答口宣

賜居廣再辭免不允斷來章批答口宣

撫問金國賀正且使人赴闕盱眙軍賜御筵口宣

士暢特授少師加食邑賜告口宣

居廣特授少傅加食邑賜告口宣

士暢再辭免除少師不允批答口宣

明堂大禮畢紫宸殿受賀內侍宣答管軍詞

紫宸殿受賀閣門官宣答樞密詞

紫宸殿受賀樞密宣答皇太子詞

麗正門肆赦閣門官宣答皇太子詞

金國賀正旦使人赴闕鎮江府賜茶藥口宜

亦岸賜御筵口宜

回程賜龍鳳茶并金鍍銀合口宜

使人到闕賜被褥鈔鑼等口宜

入賀畢歸驛賜酒果口宜

入賀畢歸驛賜御筵口宜

玉津園賜射弓箭箭例物口宜

玉津園射弓賜御筵口宜

朝辭訖歸驛賜御筵口宜

賜金國使副春幡勝等口宜

賜送伴使副春幡勝等口宜

賜三節人從春幡勝口宜

密賜大銀器口宜

撫問賀金國正旦使副陳峴等到闕并賜銀合茶藥口宜

御藥院申乞撰進呈玉牒提舉官禮儀使已下宣答詞

進呈仁宗皇帝哲宗皇帝玉牒宣答提舉官禮儀使已下詞

賜丞相趙雄不允批答口宣

賜參知政事錢良臣不允斷來章口宣

賜丞相趙雄斷來章批答口宣

撫問賀金國生辰使副傅淇等到闕并賜銀合茶藥口宣

賜殿前司滿散天申聖節道場乳香口宣

賜步軍司滿散天申聖節道場乳香口宣

賜樞密院官滿散天申聖節道場乳香口宣

賜樞密院官齋筵酒果口宣

周必大再辭免除參知政事不允口宣

謝廓然再辭免除端明殿學士簽書樞密院事不允批答口宣

賜陳俊卿告口宣

金國賀會慶節使人赴闕平江府賜御筵口宣

盱眙軍賜御筵口宣

赤岸賜御筵口宣

赤岸賜酒果口宣

上壽畢歸驛賜御筵口宣

賜皇子魏王生日詔

賜右丞相曾懷生日詔

賜鄭藻生日詔

賜嗣濮王士勳生日詔

賜皇兄居廣生日詔

賜皇太子生日詔

賜簽書樞密院事楊倓生日詔

賜簽書樞密院事李彥穎生日詔

賜簽書樞密院事錢良臣生日詔

賜皇子魏王生日詔

賜醴泉觀使曾觀生日詔

賜皇兄居廣生日詔

賜皇太子生日詔

賜醴泉觀使兼侍讀史浩生日詔

賜鄭藻生日詔

賜右丞相趙雄生日詔

賜參知政事周必大生日詔

賜嗣濮王士暢生日詔

賜曾覲生日詔

賜皇兄居廣生日詔

賜參知政事錢良臣生日詔

賜樞密使王淮生日詔

回賜安南國王李天祚進奉大禮綱勅書

賜判寧國府皇子魏王愷金合夏藥勅書

賜福建路安撫使史浩銀合夏藥勅書

賜四川宣撫使鄭聞銀合夏藥勅書

賜浙東安撫使錢端禮銀合夏藥勅書

賜湖南路安撫使劉珙銀合夏藥勅書

賜湖北安撫使沈夏銀合夏藥勅書

賜主管衛侍馬軍司公事趙撝銀合夏藥勅書

賜御前諸軍都統制時俊吳挺王琪郭剛李川皇甫侗郭鈞王明御前諸軍副都統制魯安仁翟

璵王世雄岳建壽銀合夏藥勅書

賜靖海軍官吏軍民僧道耆壽等示諭勅書

賜南平王李天祚淳熙二年曆日勅書

賜皇子判明州魏王愷金合臘藥勅書

賜浙東安撫使錢端禮銀合臘藥勅書

賜湖南安撫使劉珙銀合臘藥勅書

賜湖北安撫使沈夏銀合臘藥勅書

賜四川安撫制置使范成大銀合臘藥勅書

賜主管侍衛馬軍司趙撝銀合臘藥勅書

賜御前諸軍都統制吳挺時俊王琪郭剛李川郭鈞皇甫侗王明御前諸軍副都統制魯安仁王

世雄岳建壽翟璵銀合夏藥勅書

賜福建路安撫使陳俊卿銀合臘藥勅書

賜皇子判明州魏王愷金合夏藥勅書

賜侍衛馬軍行司武康軍節度使侍御馬軍都指揮使吳拱御前諸軍都統制吳挺等御前諸軍

副都統制韓寶等銀合臘藥勅書

賜江南東路安撫使陳俊卿臘藥勅書

賜福建路安撫使沈夏江南西路安撫使楊俊銀合臘藥勅書

賜浙東安撫使李彥穎銀合臘藥勅書

賜四川制置使胡元質銀合臘藥勅書

示諭保康軍官吏軍民僧道耆壽等勅書

賜皇子判明州魏王愷金合夏藥勅書

賜侍衛馬軍行司侍衛馬軍都虞候馬定遠御前諸軍都副統制吳挺等銀合夏藥勅書

賜江東安撫使陳俊卿銀合夏藥勅書

賜四川安撫使胡元質銀合夏藥勅書

賜大理卿賈選等獎諭勅書

賜安南國王加恩制勅書

賜四川安撫使胡元質銀合夏藥勅書

賜江東路安撫使陳俊卿福建路安撫使梁克家銀合夏藥勅書

賜兩浙東路安撫使李彥穎知明州范成大銀合夏藥勅書

賜侍衛馬軍行司馬軍都虞候馬定遠御前諸軍都副統制吳挺等銀合夏藥勅書

第十七卷

春端帖子

淳熙元年端午皇帝閣六首

淳熙二年立春太上皇帝閣六首

太上皇帝閣六首

淳熙六年立春皇帝閣六首

皇后閣五首

淳熙六年端午皇帝閣六首

皇后閣五首

淳熙七年立春太上皇帝閣六首

太上皇后閣六首



淳熙七年端午皇帝閣六首

皇后閣五首

淳熙八年立春太上皇帝閣六首

太上皇后閣六首

淳熙八年端午太上皇帝閣六首

太上皇后閣六首

第十八卷

致語口號

樂曲附

金國使人到闕紫宸殿宴參軍色致語口號勾合曲詞

金國賀正旦使人到闕紫宸殿宴致語口號勾合曲詞

金國賀會慶聖節使人到闕集英殿宴致語口號勾合曲詞

金國賀正旦使人到闕集英殿宴致語口號勾合曲詞

金國賀會慶聖節使人到闕集英殿宴致語口號勾合曲詞

金國賀會慶聖節使人到闕集英殿宴致語口號勾合曲詞

金國賀正旦使人到闕紫宸殿宴致語口號勾合曲詞



金國賀正且使人到闕紫宸殿宴致語口號勾合曲詞

六州

十二時

登門肆赦曲

七首

皇帝上太上皇帝壽樂曲

十三首

### 第十九卷

#### 祝冊詞表

明堂大禮祭享皇地祇冊文

太祖配享冊文

太宗配享冊文

明堂大禮修飾太廟畢工奏告祖宗帝后神主還殿室祝文

安穆皇后安恭皇后祝文

正奉安祖宗帝后神主祝文

正奉安懿節皇后祝文

安穆皇后安恭皇后祝文

明堂大禮畢皇后賀皇帝表詞

皇帝答皇后詔

天慶觀預告五嶽四瀆祝文

雷神雨師祝文

天地

社稷

別廟皇后祝文

五嶽四瀆祝文

十神太一祝文

宗廟

九宮貴神

皇帝進奉太上皇后生辰表詞

皇帝進奉太上皇后生辰功德疏

春分前修整補種奏告昭慈皇后攢宮永祐陵攢宮表文

安恭安穆皇后攢宮祝文

仲春修整補種奏告昭慈皇后攢宮永祐陵攢宮表

顯恭皇后表文

安穆皇后安恭皇后攢宮祝文

奏告徽宗皇帝神帳朱漆起剝重朱告遷神御權安奉表文

奏告顯恭顯肅顯仁皇后神帳朱漆起剝重朱告遷神御權安奉表文

奏告安恭皇后下宮翻庖告遷神御正安奉安祝文

奏告徽宗皇帝神帳重行朱漆畢工告遷神御還殿正奉安表文

奏告顯恭顯肅顯仁皇后神帳重行朱漆畢工告遷神御還殿正奉安表文

太常寺申撰成都府新繁縣裝飾六朝御容及修殿奏告祝文

## 第二十卷

### 祝冊詞表

春分前繕修補種奏告昭慈皇后攢宮永祐陵攢宮表文

安恭安穆皇后攢宮祝文

祭告安恭皇后爲下宮翻庖畢工告遷神御還殿正奉安祝文

奏告懿節皇后神帳重行朱漆修換帳座等告遷神御權安奉表文

奏告懿節皇后神帳朱修畢工告遷神御還殿正奉安表文

報謝天地祝文

太廟祝文

社稷祝文

太乙宮文

九宮貴神祝文

五嶽五鎮祝文

四海四瀆祝文

雷神雨師祝文

別廟懿節皇后祝文

安穆安恭皇后祝文

進呈安奉前二日奏告景靈宮祝文

諸帝旦表

諸后旦表

諸帝望表

孟夏景靈宮朝獻祝香文

孟冬景靈宮朝獻祝香文

太陽交蝕祭告祝文

太陽交蝕祭謝祝文

孟春景靈宮朝獻祝香文

孟春景靈宮朝獻祝香文

孟夏景靈宮朝獻祝香文

明堂禮畢景靈宮恭謝祝香文

告謝五嶽四瀆祝文

孟春景靈宮朝獻祝香文

進呈五世慶系錄奏告青詞

安奉奏告中後殿祝文

孟夏景靈宮朝獻祝香文

孟秋景靈宮朝獻祝香文

孟冬景靈宮朝獻祝香文

孟春景靈宮朝獻祝香文

孟秋景靈宮朝獻祝香文

孟冬景靈宮朝獻祝香文

明堂奏告天地宗廟社稷別廟祝文

奏告五嶽四瀆祝文

祭告五嶽四瀆祝文

明堂大禮前二日朝獻景靈宮奏告祝文

後殿祝文

青詞

奏告諸陵帝后及昭慈聖獻皇后攬宮永祐陵攬宮表文

奏告安穆皇后安恭皇后攬宮祝文

船刻  
PDG

崔舍人玉堂類藁卷第一

內制

王淮除樞密使制

門下象著三辰。斗極上通於帝紀。政分二柄。機廷內總於兵權。朕振長策以御邦。綜大綱而撫世。永惟軍國之任。並繫安危之圖。茲有良臣。久司右府。既協同於人望。亦灼見於朕心。遂升班聯。乃重委寄。涓以吉旦。諗于羣倫。具官王淮。剛正而守中。高明而持重。質諸天地。言順行以無慚。發自朝廷。實浮名而有裕。曩踐政路。歷宣賢勞。調娛萬微。綏靖四國。逮進登於宥密。益具罄於忠嘉。尊俎之晝。消難於未形。帷幄之言。進規於不逮。事必汝訪。謀無予欺。邦其尊榮。民以寧壹。朕稽參古誼。簡畀事權。勃輔漢家。實倚本兵之重。蠱謀越國。亦專主外之長。是用誕頒恩書。升正使號。式序爾位。亞端揆以同登。克壯其猶。秉神樞而獨制。仍陪戶邑。併陟文階。是由至懷。庶表優禮。於戲。賢人之業可大。副予體貌之崇。天下之務惟幾。藉爾精神之運。勉堅壹意。汔底多盤。可特授樞密使太中大夫。依前東陽郡開國公。加食邑一千戶。食實封四百戶。主者施行。

皇叔祖士欽除節度使制

門下。朕恢崇王化。柴迪民彝。高廟神靈。仰慶源之有遠。周家忠厚。閱宗室之多賢。眷我茂親。鑒時令望。錫



是褒典。告于治朝。皇叔祖具官士欽。天稟粹資。世憑華問。長富貴之守。汔無流心。服詩書之聞。克有常德。約己自循。於防範。會朝不爽。於威儀。率其賢猶。昭乃燕譽。朕顧視在列。慨與自懷。念東平之世家。是存典則。考南陽之帝屬。茲見老成。維歲月之架長。曾寵光之未繼。是用稽仁祖推恩之詔。酌徽皇考績之常。斷於深衷。渙此茂命。披圖按地。肇開舊甸之藩。揆日□壇。顯授元戎之節。仍加采邑。併衍真番。□循成規。□示優禮。以重犬牙之勢。以崇麟趾之風。於戲。保乂我家。有衍蕃昌之緒。虔恭爾位。無忘敦敘之盟。尙迪前修。益綏後福。可特授保康軍節度使。依前提舉佑神觀。加食邑五百戶。食實封二百戶。封如故。主者施行。

趙雄轉官加恩制

淳熙六年四月五日保國史日曆所修  
纂到歷興以後日曆奏成爲秩轉一官

門下良史立編年之法。日繫月而事明。聖王持厲世之權。賞當勞而下勸。眷維元輔。方秉洪鈞。迨茲載筆之書。嘉乃提綱之績。爰推茂典。咸告明廷。具官趙雄。敦大而直方。宏深而開亮。守持仁義。會歸六籍之醇。奮發文章。度越百家之上。膺受帝賚。延登宰司。迪忠純之度。而鎮定四方。闢公正之門。而甄序庶位。緊爾熙績。維予仰成。朕祇荷慈謀。紹膺寶位。志勤道遠。念歲月之架長。業鉅事叢。賴簡編之有紀。嘗詔紬書之彥。趣聞汗竹之期。曾不淹遲。汔茲告備。藏之金匱。雖天子之不可觀。副在京師。將後來之有足證。肆稽故實。並答勤勞。是用涓以剛辰。渙茲顯號。進陟文階之峻。陪敦戶食之豐。咸輯榮章。用昭優禮。賈維國體。亦重民瞻。於戲。君舉必書。每深懷於兢畏。衰職有□。尙終藉於彌縫。庶集勳庸。益光方冊。可特授正奉□夫。依前右丞相魯郡開國公。加食邑一千戶。食實封四百戶。主者施行。

王淮轉官加恩制同前

門下。聖人之道。布方冊。事乃著於無窮。王者之賞酬勳庸。法宜先於自近。眷言英館。適告成編。維今輔翼之臣。有昔纂修之績。逮議勞而錫寵。迺出命以揚廷。具官王淮。資正而行恭。量宏而識遠。萃天地之和氣。悉集于躬。究古今之道原。遂臻其奧。延登與政。超冠本兵。從容聲氣。而多整暇之規。密勿謀謨。而見深長之慮。國所嘉賴。民其具瞻。朕率循彝章。遴選羣彥。迭居遞宿。俾並聚承明之庭。廣記備言。乃汔成傳信之典。比觀刻奏。已就珍藏。審篇帙之浸繁。撫歲年之逾邁。治弗加進。曾敢怠於圖回。史不絕書。將何堪於紀述。豈伊碩輔。可廢前勞。是用卜涓剛辰。推昇茂典。既厚加田之富。仍超進秩之崇。萃厥寵榮。光其翰墨。暨維國體。適協予懷。於戲。春秋謹嚴。既具循於筆削。夙夜宥密。尙深勉於贊襄。克成厥功。同底于道。可特授通議大夫。依前樞密使。東陽郡開國公。加食邑一千戶。食實封四百戶。主者施行。

趙雄轉官加恩制

淳熙六年七月二十二日勅令所  
修進一州一路口實格法轉一官

門下。朕統萬宇以建中。羣百王而作則。設官庀事。酌求憲度之宜。涓日奏篇。鋪閱章程之備。悉條功緒。優答勞能。爰疏進律之恩。首逮提綱之宰。渙此丕冊。告于明廷。具官趙雄。才鉅而識高。器全而量遠。望王商之威重。自見中朝之尊。資元齡之智謀。乃能大事之斷。據爾賢縉。調予化元。忠勤載于王家。潤澤施于方夏。朕並建官師之重。外釐職務之繁。四方是維。既因宜而辨等。三尺安出。亦量事以疇庸。居樂土而猶號要荒。當平世而尙憂邊鄙。仍久經於歲月。已浸失於科條。委曲私情。曼延奇請。嘗令刊定。汔告裁成。損益

畢協其中。重輕各隨其當。有勞必賞。士安意於修方。無隙可容。吏沮心於舞法。更存彝典之舊。徐俟它時之行。凡豈予能。良皆汝作。既懋功而自近。盍出號以居先。是用協于至懷。加以顯命。峻文階而進位。拓采戶以增命。益登羣瞻。具昭優禮。於戲。政無常善。固宜參合於事情。令有必行。時乃網維於國體。宋璟以守文而隆至治。裴垕以持法而贊中興。罔俾先民。遂專前美。可特授宣奉大夫。依前右丞相。魯郡開國公。加食邑一千戶。食實封四百戶。主者施行。

皇叔祖士勳明堂轉官加恩制

門下。朕覽簡策之傳。達神明之德。奉聖以進。魯史先九族之親。徹豆而歸。周詩同諸父之樂。比涓商序。初饗合宮。重陰開禩廟之辰。杲日麗登樓之旦。嘉應顯答。美祥大來。逮敷祭澤之行。宜厚宗盟之長。具官士勳。行恭而志飾。資粹而量閎。樂以詩書。自秀慶靈之胄。守其富貴。不踰法度之閑。夙和順以積中。迄耄期而稱道。朕仰懷英廟。追厚濮園。三靈之休。燕及於苗裔。萬代之祀。同符於祖宗。眎其象賢。嘉乃耆老。慨歲年之逾邁。閱寵數之未隆。是用因此熙成。優於商賚。瑀戈導節。仍開名壤之藩。通帛舒旌。高進亞師之位。陪敦井實。申衍戶畬。於戲。東西九筵。既擁純釐之下。本支百世。遂膺景福之同。尙服殊私。益綏吉履。可特授少師。依前昭化軍節度使。充醴泉觀使。嗣濮王。加食邑七百戶。食實封三百戶。令所司擇日備禮册命。主者施行。

皇兄居廣明堂轉官加恩制

門下。朕練辰商籥。獨饗合官。順昆命以登。祇見上帝。臨泰階而下。宜延羣神。于時大宗小宗。伯父叔父。○奔走恭事。或肅雍侍成。肆真順備之休。爰厚神明。○胄具官居廣。端方而和裕。夷易而醇深。樂善有休。獨標玉葉之秀。流光自遠。茂迪璿源之長。居無驕溢之心。動有寅恭之度。朕奉承慶緒。監用丕彝。隆形勢於本朝。臨制夷夏。合親族於高位。顯榮邦家。推原瓜瓞之來。興念常華之近。是用因茲惠術。厚以恩章。犀甲熊旗。仍領名藩之重。篆車希冕。超登亞傅之崇。併衍爰田。更增眞食。於戲。天地並況。豈予涼菲之能。兄弟具來。實爾柔嘉之則。尚膺同福。益固純猶。可特授少傅。依前岳陽軍節度使。充萬壽觀使。永陽郡王。加食邑七百戶。食實封三百戶。令所司擇日備禮册命。主者施行。

王淮修進四朝史志轉官加恩制

門下。史書萬世之準。謹載策所以昭先猷。爵賞一人之權。優儒勞所以敬大典。時維上輔。位冠洪樞。肆疇載筆之勤。遂賈揚廷之號。具官王淮。德成而行飭。氣粹而才全。中正以通。動不踰於防範。優游而法。徐可考於宮庭。發據賢猶。秉執幾務。識慮周密。謀謨靖深。朕仰惟四聖之隆。昭揭百王之表。接太初之後。猶闕念當謹於纂修。視班固之下。何紛慨莫歸於折衷。曩煩碩望。俾領羣英。推沿革之大原。綜見聞之異論。既淹歲籥。汭就志書。是用褒答前勞。推加懋典。文階進位。踵舊秩於隋官。公社開疆。肇新封於越壤。寵光滋至。體貌逾崇。豈協彝章。曷由隆遇。於戲。張越專文學之任。輔至治於唐朝。侯霸條法度之宜。贊中興於漢室。尚殫素蘊。益究宏圖。可特授正議大夫。依前樞密使。進封信國公。加食邑一千戶。食實封四百戶。主者

施行。

史浩除少師制

門下出處人臣之大。致世難名節之全。爵齒天下之達尊。國繫典刑之重。眷言元老。留處內祠。茲具諗於誠衷。願卽歸於田里。用錫爾祉。式邁其行。具官史浩。才巨而識明。德全而行備。履常無競。恂恂忠厚之風。樂善有容。渾渾沉深之度。委釋經綸之任。從容間燕之談。神明未衰於前。賜問相望于道。方深厚遇。遽起沖懷。叩舖座以攄辭。疊囊書而瀝請。自陳歲月之邁。必丐山林之安。承晝接之親。每罄嘉猶而啓告。引夜行之戒。乃思高蹈以全榮。念感會之有初。閱老成之無幾。朝批章而大息。暮覽奏以長思。重違乃情。圖昇厥寵。是用渙揚茂命。聽便故鄉。旛轂趨朝。進亞師之服位。龜蒙奠壤。開廣魯之山川。衍以新畝。仍其舊節。維名與器。俾壽而昌。於戲。敷求前聞。優待耆德。皇祐之詔。二老設几。以須熙寧之遇。四臣齋書而訪。尙有斯禮。勿遐爾心。可特授少師。依前保寧軍節度使。充醴泉觀使。任便居住。進封魯國公。加食邑一千戶。食實封四百戶。令所司擇日備禮册命。主者施行。

王淮除右丞相制

門下人主論一相。政綱舉則庶績熙。上賢爲三公。儒術行則大治起。朕選建哲輔。協圖康功。夜夢想以營求。朝詢咨而博采。帝賚予弼。夙推成德之良。民具爾瞻。茲屬已然之効。渙此休命。告于明廷。具官王淮。亮直而渾深。清明而敦實。以貫通三極之學。發於弘毅之資。以運理萬物之才。行以安和之度。更踐政路。勤

施王家。奮明略以憲邦。抱純誠而事上。逮冠宥府。益聞嘉猷。辭氣從容。幄中之畫已定。精神乎達。天下之患自消。泯功用於不言。贊謀謨於獨運。朕厲精求治。望古興懷。皇天付予以生民。念當躋於富厚。太上授予以丕業。思盡復於昇平。撫歲月以浩然。履基圖而惕若。疇若予采。適求其寧。是用酌于師虞。畀以宰柄。崇其體貌。既超漢爵之階。徹彼山川。仍奠閩邦之壤。因念安危之寄。固難文武之分。俾兼元樞。遂合大政。具昭眷倚。茂輯勳庸。於戲。歷考帝王之盛朝。永懷臣主之亨會。譬諸修漢。爾其爲羽翼以遊。喻彼洪濤。爾其爲舟楫以濟。緬膺懋典。益究宏圖。可特授光祿大夫。右丞相兼樞密使。進封福國公。食邑一千戶。食實封四百戶。主者施行。

### 明堂大禮御札

勅內外文武臣寮等。朕參稽禮文。鋪究古制。圓壇八陛。雖茂展於欽柴。明堂九筵。亦間行於嘉饗。重循寡德。祇荷慈謀。屬茲三歲之期。當舉一純之祀。夜觀房宿之象。旦閱奉高之圖。愧于菲躬。曠是懿典。況今景緯循軌。嘉生遂宜。幽明統和。中外寧謐。宜乘亨美之會。庶答神靈之休。是用遠稽皇祐之書。近述紹興之制。因秋成物。聿嚴天地之禋。遵國彝章。並陟祖宗之配。誕敷大號。明戒先期。朕以今年九月。有事于明堂。咨爾攸司。各揚其職。相予祀事。罔或不恭。故茲札示。想宜知悉。

### 賜科舉門下詔

門下。蓋聞人材衆而邦國寧。儒術行而治化美。思皇多士。周並命於六卿。間出異人。漢旁開於數路。洪惟

聖代丕闡文風。既通才碩學之攸興。乃鉅德元勳之相望。逮予菲質。率是彝章。屬覽有司之陳。當修貢士之制。爰加詔諭。咸俾言揚。獻賢能之書。儻精求而上達。陳治安之策。庶廷進以周詢。豈襲虛文。尙圖實用。布告中外。明識朕懷。



# 崔舍人玉堂類藁卷第二

## 內制

### 史浩明堂加恩制

門下。朕欽承慈訓。丕講明禋。燎煙焜而精意升。銷玉鳴而和聲倡。戎有良翰。莫陪執豆之駿奔。史無愧辭。敢修祝釐之專鄉。誕敷褒冊。敷告治朝。具官史浩。寬裕而純明。惠和而忠肅。奧學探天人之致。懿文鉤造化之微。感會潛藩。賴直諒多聞之益。變諧初政。見彌縫藏用之功。誠信久而自章。謀謨遠而可績。比疇宿望。往撫全閩。煌煌鉅鎮之旌旄。奕奕上公之袞繡。口此大惠。汔其外庸。屬當迎日之長。誕舉就陽之祭。美光旁魄。恍萬象之留俞。靈禮鴻平。紛百祥之縹緲。肆頒慶澤。加勞宗臣。申衍圭腴。陪敦井賦。於戲。六變致天神之降。朕惟備罄於齋精。十倫見爵賞之施。爾尙克蒙於商賚。祇膺明命。益勵壯猷。可特授依前崇信軍節度使。開府儀同三司。判福州軍州事。提舉學事。兼管內勸農使。充福建路安撫使。馬步軍都總管。奉化郡開國公。加食邑一千戶。食實封四百戶。主者施行。

### 鄭藻明堂加恩制

門下。朕祇循彝典。丕藏盛容。奠華璧於圓丘。裸黃流於太室。爲能饗帝。敢歸福於朕躬。時庸展親。爰覃休於戚闕。肆頒明命。亶告大庭。具官鄭藻。肅括禔身。靖共謹度。周申伯之柔惠。宜厥家邦。漢陰尉之忠平。保



其祿位。袞服視公台之貴。駢旄高將闔之華。從容間館之遊。委逮盛權之地。屬時休運。昭舉明禋。泰壇八  
弧。具嚴牲幣。宮隅七雉。全倚親賢。汜茲熙事之成。可後顯庸之報。申加多邑。併衍真畬。於戲。受宣室之釐。  
朕每懷於寅畏。賜伯舅之胙。爾尙克於欽承。益保令圖。永堅素履。可特授依前保信軍節度使。開府儀同  
三司。充萬壽觀使。武功郡開國公。加食邑五百戶。食實封三百戶。主者施行。

吳拱加恩制

門下。朕涓選休成。稱秩元祀。靈旂下而虞席。美光燭而昭廷。天其相民。誕錫胤洪之福。予有禦侮。阻陪扈  
衛之勞。徹俎均釐。敷朝渙號。具官吳拱。才全而行果。志大而氣剛。用兵法若珠之走盤。摧敵鋒猶刃之破  
竹。當百年勝殘之會。共起壯圖。念三世爲將之家。獨懷沖尚。擁大纛高牙之貴。從珍臺間館之遊。比藏盛  
容。用虔美報。皇矣上帝。博臨中壇。念茲戎功。越處外服。肆輯神娛之厚。肇開公社之崇。加畀爰田。申陪奠  
賦。於戲。予惟奉若於天命。哀對純休。爾尙追配於前人。答揚明訓。勉堅忠節。嗣奮勳庸。可特授依前捧日  
天武四廂都指揮使。武康軍節度使。提舉興隆府玉隆觀。進封武功郡開國公。加食邑五百戶。食實封二  
百戶。主者施行。

蒲察久安明堂制

門下。朕躬三歲之明禋。候一陽之初籥。駢犧豐碩。瑄玉潔溫。來燕來寧。旣畢合祛之禮。有嚴有翼。爰嘉在  
列之英。揚于大廷。綏以多福。具官蒲察久安。疏通而能斷。沈毅而善謀。日躡常侍於宴游。忠誠自著。契茲

久更於戰鬪。驍勇無前。參希冕於孤班。擁崇牙於將闔。寵名赫奕。恩數便蕃。比修美報之容。實賴駿奔之助。出則瞻乘。既亮純衷。祭有歸膳。厥存彝典。陪敦多邑。申衍真畬。於戲。展采錯儀。誕受於萬年之祐。發爵賜服。敢遺不二心之臣。勉答殊私。益圖顯績。可特授依前檢校少保。大同軍節度使。提舉萬壽觀。奉朝請。通化郡開國公。加食邑五百戶。食實封二百戶。主者施行。

皇弟居中明堂加恩制

門下。朕荷天駿命。考古上儀。裸廟告虔。靈陰陰而般雨。登壇展采。光穆穆以流波。聲氣協同。神祇歡喜。迄成盛典。實賴懿藩。禮既作於恭先。恩宜從於親始。肆頒渙號。用錫褒章。皇弟具官居中。質厚而氣溫。身端而行治。雍容道義。渾然忠孝之資。涵泳詩書。展矣豪英之譽。主棗盛於益廟。授旄鉞於齋壇。率履罔愆。飭躬匪懈。維時禋祀之舉。誕輯靈明之休。有來雖匪。贊予熙事。厥猶翼翼。嘉爾粹容。奉籩豆以無違。執圭璋而有恪。受茲介福。惟上帝弗異於下房。綏乃思成。念他人不如我同姓。陪敦采邑。申衍腴租。於戲。登漢歌之十九章。朕敢專博臨之施。維周基之八百載。爾其堅夾輔之圖。勉迪令猷。欽承丕訓。可特授依前保康軍節度使。權主奉益王祭祀。天水郡開國公。加食邑五百戶。食實封二百戶。主者施行。

成閔明堂加恩制

門下。朕紹膺景命。哀對純休。奠幣圓壇。邸四圭而錯事。回輿端闕。第五玉以疏封。慶賜畢行。邇遐咸喜。武侯承德。眷乃舊勞。媪神蕃釐。敢茲專鄉。疇咨在服。明聽作猷。具官成閔。沈毅而不回。端莊而有立。凜凜冠

軍之勇。扞我王家。煌煌敵愾之勳。藏諸盟府。自稱轅門之重。久安琳館之間。據鞍雖緩於請行。振甲猶聞其可用。屬涓今日。祇藏精禋。黃鍾奏而靈嘉虞。紫幄張而神安坐。駕龍十二。允嚴天仗之徐驅。被練三千。適阻戎車之密護。肆均慶澤。誕輯徽章。增衍圭腴。申加井賦。於戲。觀時而行典禮。朕方茂講於禮容。帥師而修封疆。爾尙勉思於遠馭。欽承丕訓。益展壯圖。可特授依前慶遠軍節度使。提舉江州太平興國宮。武功郡開國公。加食邑五百戶。食實封二百戶。主者施行。

悉里地茶蘭固野明堂加恩制

門下。朕欽承帝事。穆卜天正。權火升而雲杳冥。玉梢舉而星明潤。美應昭答。嘉祥大來。辨位設儀。尙阻鸞旂之戾。考圖數貢。實存象譯之通。爰輯慶章。用敷顯冊。具官悉里地茶蘭固野。宅心淳固。秉德直溫。山川土田。奄先世之賜履。聲明文物。賴本朝之假靈。本恭儉以守邦。推寬慈而撫衆。修方彌切。率職無違。維時景運之隆。丕講圓陔之饗。四方和會。多士駿奔。雖地隔重溟。後諸侯之來助祭。顧天無暴雨。知中國之有至仁。通周道以輸誠。款漢關而慕化。肆均商賚。敢緩褒康。是用陪敦采邑之豐。申衍圭畚之實。萃茲異數。昭乃洪休。於戲。福祿來崇。夙夜永懷於基命。會同有釋。春秋尙謹於承王。祇服寵榮。益堅忠順。可特授依前檢校司徒使持節琳州諸軍事。琳州刺史。充懷遠軍節度。琳州管內觀察處置等使。兼御史大夫。開國王。加食邑五百戶。食實封二百戶。散官勳如故。主者施行。

會懷除右丞相制

門下三台。宣符色齊明而星度正。二氣播物。和咸感而歲功成。迺眷者賢。夙居揆路。屬懇辭之游。至式過。其行。逮疑謗之洞開。使復其位。敷予有命。告爾在廷。具官曾懷。端重而無華。寬仁而有裕。學探古今之經。氣涵天地之全。才略濟繁。更百爲而彌劭。智謀經遠。周萬變以皆通。蚤簡深知。歷敷要任。有績咸乂。靡勩弗宜。迄登政地之庸。旋正宰司之體。從容調娛。而協時幾之會。造次啓沃。而陳久大之圖。心休休而善容。猶翼翼以祇畏。遵觀忠實。益厚倚毗。嘉宏業之方隆。駭流言之不靖。爰徇告歸之請。俾從均逸之私。朕廣開至正之門。茂建大中之極。考昔君臣之相遇。允繫於同心。維時上下之弗交。亦先於除間。肆詳加於審覈。已備見於昭明。又缺我斯。念稍遠於近輔。疇若予采。恐浸墮於前規。是用誕錫恩章。趣還鼎席。總領繁機之要。變諧大化之元。具袞衣而迎周公。庶率循於往訓。啓延英而待裴度。已欽佇於嘉猷。仍進文階。併增井賦。是爲殊寵。賈穆輿情。於戲。無競維人。有孚在道。日月照矣。茲盡釋於嫌疑。股肱良哉。宜力圖於報効。尙堅素節。永翌丕基。可特授光祿大夫。右丞相。加食邑一千戶。食實封四百戶。封如故。主者施行。

楊俊除節度使制

門下奉祠宮而均逸。久參儒職之華。開將闔以展容。盡示恩章之異。眷維禁路。時有俊臣。推予褒賞之能。作爾功名之會。誕敷丕册。孚告大廷。具官楊俊。渾厚而雄深。方嚴而肅給。忠義由於世濟。通明稟於天資。才略應繁。刃發礪而有裕。智謀周變。龜獻兆以無遺。歷更事任之宜。積著勞能之盛。逮司國用。具觀運理之長。旋即里居。深見靖共之譽。茲被張旆之遣。曾無引道之難。是用申錫溫綸。優加茂典。建齋壇而授節。

撫瓊管以殿藩。明庶以功。實參圖於素効。會紹乃辟。尙追繼於前規。仍從仙館之遊。復啓侯封之寵。陪敦采邑。增衍真畬。於戲。治匪異塗。材難具美。文武維憲。爰得亮邦之賢。威儀則多。是昭馭貴之體。克祇茲訓。益固乃猶。可特授靖海軍節度使。依前提舉佑神觀。進封繁時郡開國公。加食邑五百戶。食實封二百戶。主者施行。

曹助除開府制

門下。朕總摠宏綱。照臨庶位。不遺故舊。爰興忠厚之風。尙有典刑。盡示褒崇之體。睦維耆德。久護宸居。肆輯徽章。庸敷渙號。具官曹助。宅心和裕。稟質粹溫。中正以通。動悉由於防範。優游而法。居自守於宮庭。始終歷事於四朝。夷險備更於百致。還觀操履。靡見瑕疵。嘉乃謙虛。嘗遂垂車之逸。倚其親信。莫從遺俗之高。起司夕櫺之嚴。密告辰猷之益。周旋匪解。誰問無違。顯有休庸。具孚雅望。朕眷懷夙昔。慨念忠勞。誦行葦之詩。庶幾有翼。考正元之士。今已無多。方資宿衛之勤。尙喜儀刑之近。豈無優禮。式表殊私。是用涓以剛辰。發茲茂冊。皇皇袞繡。晉參揆路之崇。奕奕旌旄。仍領戎旅之重。陪敦采邑。申衍圭畬。並協朕衷。是循國典。既隆予寄。亦獎爾修。於戲。泰階六符。已超躋於朝位。周廬千列。諒增壯於軍容。臨寵而懼。則名乃休。處高而卑。則福斯永。祇承明訓。勉迪令圖。可特授開府儀同三司。依前昭信軍節度使。提舉皇城司。加食邑五百戶。食實封三百戶。封如故。主者施行。

葉衡進玉牒轉官加恩制

門下。朕祇承慈謀。紹履休運。駿命弗易。推厥璿源之長。大事必書。載諸寶牒之重。緊我碩輔。舉茲宏綱。謬敷寵章。咸告庶位。具官葉衡。道方而行。果器遠而材閎。多識前言。夙知述作之體。明習故事。遂達典刑之原。延登台階。竄穆輿望。乃績時乂。斯謀日宣。朕追懷先猷。垂佑後嗣。繇烈祖啓神明之胄。暨眞臍膺熙洽之圖。維緒次之不可失其傳。維謨烈之不可忘其紀。逮于登進。賴爾裁成。御正殿以鋪觀。闢廣儲而崇奉。文昭武穆。見於萬年之休。帝德王功。具不一書之實。事開廟社。慶集臣民。相時禮容。迄成此禮。申衍戶畝之富。超躋秩序之崇。庶優賢勞。亦表眷遇。於戲。晉室著皇宗之譜。庸示無窮。漢家祕金匱之文。固將有采。尙堅純節。永翊丕基。可特授正奉大夫。依前右丞相兼樞密使。加食邑一千戶。食實封四百戶。封如故。主者施行。

趙雄除右丞相制

門下。朕紹天休運。持國永圖。內懷未究之規摹。外愧難成之功業。長撫遠馭。將恢不世之基。達識通材。庶獲非常之輔。有赫延登之命。無逾歷試之賢。具宜乃猶。咸告爾衆。具官趙雄。器全而用遠。實大而聲閎。臨事善謀。端若元龜之信。當機立發。沛如流水之源。蚤膺深知。卽踐要路。考其才。恢恢而有餘地。驗其策。斷斷而無空言。灼知俊心。可倚大任。遂付以政。用宏乃庸。周旋三時。醇亮一節。以智略通明。贊朕事。以道德寬大。廣朕心。民言維嘉。國論以壹。朕敷聞古昔。注想英賢。以言寤合。則曷究於深誠。以象營求。則固非於素望。念此選舉。疚于夙宵。有能奮庸。協我昌明之會。曾是在位。得茲碩大之臣。是用誕敷恩綸。登授相柄。

廣宣厥道。俾盡展於良規。無棄爾成。尚汔終於顯績。申加采邑。超進文階。並出眷懷。是崇體貌。竄茲注意。維以蒙休。於戲。邃古之治益遙。真儒之効浸寡。維身克正。卿士庶尹。無不宜維。心克誠。陰陽四時。無不序。勉據素蘊。永底丕平。可特授右丞相。正議大夫。依前魯郡開國公。加食邑一千戶。食實封四百戶。主者施行。



# 崔舍人玉堂類藁卷第三

## 批答

賜劉懋上表再辭免加食邑食實封不允仍斷來章批答

朕比卜景至承神嘉境禮成休明福緞綬輯豈曰予一人之能今靈贖之下不敢遣小國之臣而吾感曉之愛既親且賢如卿者乃以多辭何哉惟天休之不可稽惟朕命之不可格往宜祇服毋復重陳

賜姚憲上表再辭免除參知政事不允仍斷來章批答

朕祇承慈訓嗣守慶基有綱紀萬事之緒而未克成有經營四方之志而未克遂遐想遠慕予心漠然深求治原匪賢曷濟卿方大之德通明之資迪知朕衷登進樞筦審固足以定幾事淵微足以贊明謨經之遠猷倚以修輔夫才難適於時會道常待於世興緊欲恢盛大之圖馳寥廓之見自非開亮卓偉邦之瓊英孰與共吾事哉僉曰汝諧政將安往趣其祇服汜以仰成

賜葉衡上表再辭免除端明殿學士簽書樞密院事不允仍斷來章批答

負經世之才者常畫於無志懷許國之志者又病於無才才志具矣時不爾與亦未見其能成功也卿學術宏深器資方重練達萬變而智與幾會忠實一意而謀皆予同召從留都進長禁路察其可任斷以不疑今天下之事所當爲者衆矣朕方夙夜宥密不皇康寧求其遠且大者亦惟爾左右帷幄之臣是咨是



度濟于不成。儀圖壯猶參翊神務。素所注東。宜無踰卿。亟奮而庸。助起予治。區區謙避。靡擇厥聞。

賜王友直上表再辭免除奉國軍節度使加食邑食實封不允仍斷來章批答

朕敷求良將。槩見前書。若周亞夫之治軍。足嚴國體。如祭征虜之潔己。自得士心。豈無若人。用勸武服。乃瞻在位。時維俊臣。卿性稟沈雄。材資敏銳。總予周衛。賴爾壯猶。謹廉尤務於無私。訓練悉聞於有紀。載觀規畫。深協眷懷。惟器與名。已峻齋旒之拜。能謙必豫。尙披遜牘之陳。宜卽欽承。毋勤重請。

賜葉衡上表再辭免除參知政事不允仍斷來章批答

朕嗣隆丕緒。寅念永圖。朝忘食以就功。夜振衣而思治。疇若予采。亦惟直方持重之臣。用乂我民。俾有安樂得賢之福。卿器資淳固。識慮淵通。才周文武之宜。學洞古今之蘊。忠勤一節。自結朕心。出入百爲。浸崇人望。比召從於帥閫。卽登踐於樞廷。謀猶具宜。風績逾劭。肆晉參於大政。實素定於至懷。碩大無朋。當愈堅於獨立。溫恭有恪。尙益效於同寅。方倚佇於交修。奚游形於冲避。令維無反。時乃可行。宜亟欽承。毋容重請。

賜徽猷閣學士太中大夫提舉佑神觀楊俛上表再辭免除靖海軍節度使簽書樞密院事進封

鴈門郡開國侯加食邑食實封不允仍斷來章批答

朕續紹慶基。規恢大業。廣運文武。庶底安彊之功。延覽英豪。共圖長久之道。卿材猷敏達。識略精明。夙濟美於勳門。荐宣勞於禁路。克有休績。具昭遠猶。肆授鉞於將壇。俾贊謀於樞極。輟萬里張旛之使。副一時

虛席之求。聲壘繁機。正有資於協慮。謙謙小節。宜無事於多辭。亟服寵休。勉思報効。

賜曾觀上表再辭免除開府儀同三司依前武泰軍節度使提舉萬壽觀進封信安郡開國公加食邑食實封不允仍斷來章批答

朕誦伐木之詩。而見故舊之情。覽康誥之書。而念耆成之益。乃九月朔日。誕告于廷。而羣公卿士。罔不是孚者。識朕此意也。卿率性溫恭。裨身勤愆。臨寵榮懼。陳辭愈明。朕烏得而聽之邪。漢之南陽舊人。唐之秦府僚吏。其在當世。皆蒙顯榮。卿何疑焉。

賜皇子魏王愷再辭免除改判明州軍州事加食邑食實封不允批答

朕紹承休命。光撫庶邦。永念先王。彌本根之道。亦惟有名宗臣藩。保扞王家。乃輟吾賢嗣。往臨南服。亦既累歲。宜更治民。是用有四明之命。茲實國體。非以私卿也。且風土樂嘉。可以坐鎮。道里順易。便於來朝。尙何辭焉。

賜葉衡上表再辭免除通奉大夫右丞相兼樞密使進封東陽郡開國公加食邑食實封不允批答

朕惟天子君臨萬邦。亦惟有一心同德之臣。左右厥辟。用保乂于庶民。顧朕弗逮。博求于有位之士。咸曰汝衡純明淵通。方大宏毅。是能輔朕有爲于茲世。乃戊申之命。告于在廷。靡不維允。爾乃陳德弗及。願遜于在列之賢。我聞曰可愛維時。可圖維勳。若涉大川。今予暨爾其濟。爾克欽承我命。往哉益懋。乃猷乃罔。

于孚不休。

賜葉衡再上表辭免除通奉大夫右丞相兼樞密使進封東陽郡開國公加食邑食實封不允仍

斷來章批答

朕惟朝廷正而王化成。儒術行而治功起。朕攷擇相位。灼求俊心。必詳試以觀其能。又悠久以成其望。於是舉而加之百官之上。其所注意則非一日之積也。卿蘊經綸之學。濟通敏之資。簡于深知。迄此大用。今庭告之下。敷聞四方。乃欲徇撝謙之節。而哂素定之懷。執無益之辭。而格已成之命。則豈可哉。祇迪予衷。亟踐乃位。

賜李彥穎上表再辭免除端明殿學士簽書樞密院事不允仍斷來章批答

朕總覈庶治。作興盛圖。日來登明選公之命。庶乎人心之所謂當然者。聚此衆雋。彊吾本朝。維時大享。越有希遇。卿迪忠忱之度。乘端毅之資。歲時周旋。望實休顯。積是素譽。迄于延登。協升大猷。陪輔密論。乃陳情懇激。至于辭朕命者再。則豈見行可之誼哉。亟宜欽承。毋或謙避。

賜少保右丞相史浩再上表辭免玉牒所進書回授轉官依例加恩不允仍斷來章批答

朕惟尊祖嚴宗。王道之先務也。日者有司以成書來上。乃祖宗之慶源大政。是在朕覽觀崇奉。差錄賢勞。今賞典之下。自丞相始。乃執謙辭。隆及於再三。而不已。且事關宗廟。而恩不加於大臣。得無傳聞重朕之不逮。宜體茲意。勿庸有陳。

賜史浩再上表辭免除少傅保寧軍節度使充醴泉觀使兼侍讀加食邑食實封不允仍斷來章  
批答

朕歷觀古昔之盛。深歎君臣之全。漢重耆儒。退乃榮於就第。周優上宰。歸仍卽於居豐。卿國之元臣。世之大老。乘統庶事。儀刑百寮。逮其言歸。留以自近。禮絕今比。恩逾前聞。豈惟台路之光榮。時乃朝家之盛美。將流芳於簡冊。永示勸於臣隣。固出至懷。詎容多避。

賜趙雄上表再辭免特授右丞相正議大夫加食邑食實封不允批答

朕惟宰相之任。厥惟難才。非盡古之道。不足以有謀。非達今之宜。不足以有立。固嘗中夜以興。當食而歎。思得一世之人傑。足以濟時成務者。俾任吾事。天若與世。國豈無才。卿蚤由禁途。自結朕眷。以陳平之智。而復重厚可任。以元齡之謀。而能果斷必行。朕所注意。非一日也。渙號已頒。衆言維允。功業之盛。四面以觀。區區謙辭。終不得徇。

賜王淮上表再辭免特授樞密使太中大夫加食邑食實封不允批答

朕惟帝王之盛。未嘗去兵。是以爰自卽位。晝夜以思。啓處以圖。其於三軍五兵之事。不敢一日忘也。乃若廊廟輔臣。股肱同體。實賴講謀。究度以旦夕承翼。濟予于丕庸。卿毗佐累年。練達庶事。鎮物以重。事上以誠。具鼎才之實。而養以剛中。積坤德之純。而發以方大。朕所嘉賴。匪卿而誰。專付重權。益懋成績。萬微之會。悉以屬卿。宜宏大猷。毋事小節。

賜昭慶軍承宣使提舉佑神觀士欽上表再辭免保康軍節度使加食邑食實封不允仍斷來章

批答

朕惟親親之道。先王所以化天下厚人倫也。卿裕和肅艾。爲時老成。秉德在庭。克自祇畏。比攷闕閱。宜乘節旄。遂涓剛辰。已渙邦號。朕於宗族。恩靡不用。至是積勩累善。歷十年始進其官。則亦惟舊憲是若。顧於予心。尙有慊然。而卿猶欲有辭可乎。卽宜欽承。毋庸重請。

賜太中大夫樞密使王淮上表再辭免曾預修纂隆興以後日曆奏成篇秩特轉行一官依例加恩不允批答

朕臨御四海。閱日彌長。常畏過行。以羞太上皇帝之畀付。今儒館言繁。日成書。重循菲涼。將何以傳示萬世。卿蚤以乘筆。與游道山。逮茲終編。實在政路。宜有褒賞。用昭勤勞。昔唐太宗嘗曰。朕監前代。進善人。遠羣小。亦欲史氏不能書吾惡也。今三者之事。方與卿守之。執謙小節。此何望焉。

賜正議大夫右丞相趙雄上表再辭免曾經預監修纂隆興以後日曆奏成篇秩特轉行一官依

例加恩不允批答

朕觀西漢故事。凡郡國計書。先上太史公。副上丞相。蓋天下之事。太史得書之。丞相得行之。卿舊游承明。多所紀述。追踐政路。復專總提。今簡編告備。而適在相位。以前日見聞之所及。知當時得失之必書。宜思爲朕彌縫輔贊。置於無過之地。則予是望。一官之賞。此何辭焉。

賜降授朝請大夫參知政事錢良臣上表再辭免修纂隆興以後日曆奏成篇秩特轉行兩官依例加恩不允仍斷來章批答

朕選大雅之彥萃承明之庭記事載言庶有傳於悠遠提綱振領可無賴於裁成卿經世通儒爽邦賢輔比觀刻奏汭就信書維十六年歲月之長至一千卷簡編之富史法不隱方深惕畏之心帝德罔愆終藉彌縫之益宜祇寵命毋執謙懷

賜正議大夫右丞相趙雄再上表辭免曾經預監修纂隆興以後日曆奏成篇秩特轉行一官依例加恩不允仍斷來章批答

朕惟繫日之書傳信萬世永言不逮賴太上之訓獲保丕緒功烈成就未有隱志今儒館成書何可紀述丞相朕所倚以經遠業建太平所宜爲朕稽參政事祈進治功庶幾大書特書吾君臣咸有無窮之間進階之寵是有故典曷爲避之堅乎覽章歎嘉終不得徇



都

如

# 崔舍人玉堂類藁卷第四

## 批答

賜太中大夫樞密使王淮再上表辭免曾預修纂隆興以後日曆奏成篇秩特轉行一官依例加恩不允仍斷來章批答

朕惟祖宗稽古右文同符三代今朕重惜名器一毫不輕乃茲成書沛然下賞舊勞新績纖悉靡遺所以尊儒術重國體也卿蚤以華望與游英躋凡今纂修咸昔端緒乃擢章之來上願置勿錄雖卿執謙之美賞國之典朕敢廢乎令至亟承辭多無益

賜正奉大夫右丞相趙雄上表再辭免勅令所修進一州一路酬賞格法了畢特轉一官依例加恩不允批答

朕厲精政理茂講民宜分道置州既外釐於羣吏視功詔賞乃中乘於至權曾是攸司漫無定式重輕視於成牘予奪付於私情比命更修要歸至當凡具書於甲令悉旋達於乙觀酌求其平制定其可肆茲告備將以常行卿酬酢繁機迎見立解練達大體深計遠謀復提宏綱汔就信典格令刪定元齡隆至治之風紀律設張黃裳贊中興之業茲推茂渥庶答成勞即宜欽承豈必多遜

賜中奉大夫參知政事錢良臣上表再辭免勅令所修進一州一路酬賞格法了畢特轉一官依



例加恩不允仍斷來章批答

朕端臨萬方。分建羣吏。勸以慶賞。程其功能。幅員既長。維險夷善惡之各異。官職相序。亦繁簡重輕之不同。其於制爵以待庸。當亦隨宜而辨等。因循有日。汗漫無文。科條惑於盈几。關之書。姦弊肆於長子孫之吏。嘗深浩歎。即令改修。爾有司存。予皆親覽。至纖至悉。維允維平。卿偉業憲邦。宏才濟務。達于德意。定此法章。炳若丹青。已無疑於承用。堅如金石。方有賴於持循。茲畀茂恩。固難過遜。

賜右丞相趙雄上表再辭免祕書省進呈會要了畢提舉官特轉兩官依例加恩不允批答

建邦者必有典。傳世者莫如書。三墳遠而皇綱莫尋。六官分而王制盡在。乃者功施舊省。篇奏法官。接十世之豐規。聚一朝之丕則。既用覽閱。良深歎嘉。卿全才憲邦。宏量鎮物。整持法度。大勞載於朝廷。潤澤典章。餘事形於簡冊。凡茲明備。咸出裁成。優遷文階。率用舊制。續太初之後。遂及全書。覽正觀之元。方思終善。而乃嫌於亟拜。爲此牢辭。徒專謙牧之風。殆咄忠規之望。

賜參知政事錢良臣上表再辭免祕書省進呈會要了畢禮儀使特轉兩官依例加恩不允仍斷來章批答

國家制度。託簡冊而傳。朝廷禮文。隨事體而重。乃者三館之彥。哀次今事。踵續前書。首篇所載。乃皆親庭光華。曠異之禮。朕所以因其來上。鋪張物采。焜燿聽觀。凡以章洪休侈巨典也。卿才資通明。德器安重。際于亨運。總此盛儀。肆推異恩。已首衆雋。而乃執謙陳辭。至於再而未受。則豈知朕意之所在。康固有彝規。

當卽祇服。

賜通議大夫樞密使王淮再上表辭免提舉經修會要特轉一官不允仍斷來章批答。歷求古先咸有典則。觀舊經於魯國。僅得習傳。問今事於崔琳。徒資誦記。越我熙明之代。見於總會之書。敢言菲躬。遂踵前迹。卿深純端亮。簡重寬明。策盟府之勳。聊先翰墨。定籌帷之畫。當究規圖。疊聞謙陳。深援近比。固自有說。豈必皆同。引稠疊而辭。既足以昭名器之无私。近量勞動而受。又足以示朝廷之無廢庸。各行其心。俱利於國。宜體眷意。卽收遜章。

賜少傅保寧軍節度使充醴泉觀使兼侍讀史浩上表辭免已進會要經修不經進提舉官特轉一官令回授不允批答。

朕秉執大柄。照臨羣臣。片善靡遺。寸長不置。而況元老大儒。勳在翰墨。茲而弗錄。謂疏遠何。卿涉道深純。亟德忠厚。曩在宰路。具宣賢猶。乃者巨典告成。中外同喜。參條功緒。褒及舊勞。朕惟卿言之不釋。固已徇謙志而移恩于族親矣。猶遜不當。毋太過乎。

賜少傅昭化軍節度使充醴泉觀使嗣漢王士輻上表再辭免除少師加食邑食實封不允批答。朕惟親親。人道之要也。今本支蕃衍。未逮全盛之日。顧瞻大廷。見此端艾。黃髮在位。維喜康共。思有以大顯榮之。固朕之心也。乃者禮成合官。福祿來下。與我共此。無逾茂親。且亞師之命。近時宗族之所未有。高秩厚禮。舍王執宜。而又何辭焉。

賜少保岳陽軍節度使充萬壽觀使永陽郡王居廣上表再辭免特授少傅加食邑食實封不允

批答

朕惟厚陵諸王有若端獻聞望光美。儷昔間平天錫善祥。十子競爽。流澤未遠。逮其聞孫。秉德在廷。厥猶翼翼。茲朕之所嘉卿。今踐祠路。寢配天敷澤。非優異之恩。亡以示天下隆親而尙賢也。庚子之命。尙庸辭乎。

賜少傅昭化軍節度使充醴泉觀使嗣濮王士勗再上表辭免除少師加食邑食實封不允仍斷

來章批答

朕稽古彌文。對時亨運。玉帛萬國。夙尊布政之堂。簫韶九成。肇享交神之室。既荷天休之應。遂均惠術之行。卿邦家茂支。宗族元老。紹百世濮園之祀。參九霄仙館之遊。因緣慶恩。推昇懋典。錫文武之胙。當厚者明之賢。篤魯衛之親。乃先惇睦之道。茲由素定。奚可終辭。

賜少保岳陽軍節度使充萬壽觀使永陽郡王居廣再上表辭免除少傅加食邑食實封不允仍

斷來章批答

朕肇稱元祀。鋪究上容。多士駿奔走以在廷。四方大和會而觀禮。維時顯相。多宗族之蕃昌。迄此休成。諒神靈之獻喜。既誠陳而享洽。遂惠均而政行。卿和裕凝資。寅恭秉德。被溫貂而就位。奠華爵以交神。既右饗之。丕擁繁釐之下。乃商賈爾。超登亞傅之崇。渙號已孚。謙辭猶至。固出眷懷之異。可專摛摺之高。

賜宣奉大夫右丞相趙雄辭免玉牒所進書了畢提舉官特轉兩官依例加恩不允批答

朕惟祖宗成功盛德。備美皇王。乃金鑽玉版之書。所以勒休垂鴻。未至純備。比者深詔執事。哀次纂述。傳云萬世。越四月丙戌。有司以成書來上。文富事核。對越在天。休光美實。照映日月。朕甚嘉之。卿方大之。口渾深之度。乘統萬務。仔肩壹心。今寶典告成。恩言□下。而乃陳見悃悞。願止勿當。且吾於褒賞。非過也。丞相願安取此。雖知素謙。得無體朕所以厚前烈重宗廟耶。前日之命。趣當承焉。

賜通奉大夫參知政事錢良臣辭免玉牒所進書了畢禮儀使特轉兩官依例加恩不允仍斷來

### 章批答

朕惟國家襲唐憲度。鏤玉成書。祖功宗德。交映簡冊。舊制領於宗寺。典以待臣。承平日久。庶事大備。越大觀間。乃侈盛容物。至置使以領之。所以昭謨烈重宗廟也。卿負通明之才。居弼諧之任。維正庶事。調娛萬微。今大典告成。寶儲崇奉。簪纓駢萃。羽衛紛陳。時維合儀。陟降上下。不爽于度。汔濫厥成。記曰禮無不答。不有優賞。曷以旌使範之勞乎。超晉文階。增加采戶。既有故事。卿無辭焉。

賜宣奉大夫右丞相趙雄再上表辭免玉牒所進書了畢提舉官特轉行兩官依例加恩不允仍

### 斷來章批答

朕惟嚴鏤玉之書。集汗青之績。事大者體必重。功隆者報乃豐。卿黼黻王度之文。淵源聖域之學。闡釋□訓。鋪張烈光。既成信書。宜錫茂典。而乃刻奏疊□。誠益明。上歸美於非躬。下委勞於羣彥。欲以一謙之

節。立於百辟之先。朕惟侯霸善錄遺文。魏相好陳故事。皆輔乃辟。克成厥功。竝流英聲。尙在良史。卿其崇厚道德。廣予以慶曆之寬仁。招延俊賢。輔予以元祐之正直。明明成德。赫赫當今。是將底於大事。豈不愈於小諒。宜體至意。卽收遜章。

賜太中大夫試吏部尙書兼翰林學士承旨兼侍讀兼太子詹事兼修國史周必大上表再辭免

除參知政事不允仍斷來章批答

朝廷延登。常取羣望。廊廟重任。宜聳具瞻。楊綰用而宿貴改觀。王陽進而善士生喜。朕選建碩輔。翼宜大猶。國皆曰賢。政將焉避。卿初終有守。本末無疵。以其縝密而栗。可以參訏。謨以其中正而通。可以經不務。俾釋銓筭。遂躋柄塗。人之信道。固將有行。國之用儒。時乃維允。猷爲茲始。遠近所觀。方朕衷委重之意深。亦衆志望賢之責備。勉據素縑。汙濟熙圖。謙遜之章。止毋來上。

賜朝請郎試刑部尙書謝廓然上表再辭免除端明殿學士簽書樞密院事不允仍斷來章批答  
朕綜持大柄。延攬羣英。修政於國家。閒暇之時。基命於夙夜。宥密之地。長撫遠馭。曷登濟於丕圖。同寅協恭。乃詢求於成彥。得諸民譽。近在禁塗。卿賦有用之才。抱無窮之學。智略輻湊。予知其籌慮必精。識度淵長。予察其規摹必遠。乃進右府。庶彊本朝。名稱位者勿辭。資逢世者難失。當體大有爲之志。先求不可勝之圖。迄成茂功。終藉長策。區區謙避。所不必聞。

賜宣奉大夫右丞相趙雄上表再辭免進四朝正史志提舉官特轉兩官依例加恩不允批答

朕惟天胙昌圖。世承明德。例凡嚴備。已全五聖之書。聞見紛綸。尙闕四朝之記。深詔宰輔。廣延儒英。越裁信編。汭就大典。匪提綱之有道。殆汗簡之無期。卿勞大而處以謙。德全而加以畏。懇辭上賞。敷暢忱誠。維國家之德澤素深。維祖宗之規摹可考。垂將來之法。豈專比事而屬辭。慰在天之靈。尙勉建功而立業。當收謙節。益邁遠猶。

賜通奉大夫參知政事錢良臣上表再辭免進四朝正史志禮儀使特轉兩官依例加恩不允仍

### 斷來章批答

朕紹遵丕緒。闡釋先猷。嘗申命於儒臣。俾趣裁於信史。成編來上。盛典時行。端宸辰以鋪觀。闢寶儲而崇奉。簪纓駢萃。羽衛紛陳。無言不酬。旣表提綱之績。有儀可象。遂褒詔禮之勞。卿望重民瞻。謀參天粹。方正身而厲俗。乃引義以辭榮。事固協於典常。體亦優於眷遇。已孚休命。難徇冲懷。

Handwritten text on a small, dark, rectangular label or piece of paper, possibly a library or archival tag. The text is written in Chinese characters and is partially obscured by the texture of the page. The characters appear to be arranged in two lines, with the top line containing three characters and the bottom line containing two characters. The characters are difficult to decipher due to the low contrast and grainy texture of the image.

崔舍人玉堂類藁卷第五

批答

賜通議大夫參知政事周必大上表再辭免經修四朝史志轉一官不允仍斷來章批答

朕鑒于往昔咸重史臣觀厥成功率惟久任張華尙誇於再至蔣乂嘗越於十年當時推榮後世稱□□懿文華國雅望表民自窺典籍之藏速聽星辰之履咸專載筆遂究長才力倍羣英功先衆作爰優頒於恩典奚固執於謙規俾下多興廉識分之風雖可嘉於卿志將國有各賞廢勞之舉亦殊失於予心當□欽承毋庸重請

賜通奉大夫樞密使王淮上表再辭免四朝正史志了畢經修不經進前權提舉官特轉行一官不允批答

朝廷慶賞必始大臣宗廟策書當嚴正史卿道躋闢奧文擅統盟以其忠純則執簡無愧辭以其審重則纂事無遺實向司載筆具罄賢勞才學識之長深見討論之善清緝熙之典遂符祖述之心疊覽謙陳願辭褒進方藉謀謨之益可忘體貌之崇綸綍疏頒姑昭前績旂常登紀尙廣後圖勉卽欽承毋庸固請

賜少傅史浩上表再辭免進讀正說終篇特轉一官不允批答

朕登延宿儒講誦先訓金聲玉振實聞道德之原日就月將遂畢簡編之富卿器全方重學貫中庸道予



以正大之言。廓予以寬厚之論。凡廣廈細氈之選。所以指陳。庶咸平景德之隆。及於身見。逮茲卒業。嘉乃輸忠。爰首下於褒康。庸增光於眷遇。遽披奏達。願返恩榮。雖卿素懷斂分收涯之心。豈朕可廢崇儒重道之禮。宜承優典。卽略冲章。

賜少傅史浩上表再辭免除少師依前□□軍節度使充醴泉觀使任便居住進封魯□公加食

邑食實封不允批答

朕惟明哲君子之攸貴。行藏聖人之所難。壽考康寧。方膺於備福。雍容進退。復保於令名。想聞前風。慨歎希遇。卿誠信孚于天下。勤勞載于朝廷。留連燕閒。密勿議論。縱其已耄。猶當賜几杖以從遊。寧此未衰。乃遽懷山林而獨往。雖溫諭之已至。迄冲規之不回。豈無茂恩。用致優禮。崇高節則風俗厚。體耆德則名器尊。奚爲固辭。尙復勤請。宜略謙柄。卽承寵章。

賜少傅史浩再上表辭免除少師不允仍斷來章批答

元老大臣。世所視法。進退之際。聳聞四方。其所寵榮。繫國大體。高秩厚禮。朕匪敢私。卿昭厲世之規。抗絕塵之見。引誼宏遠。陳辭懇誠。朕惟尊耆老。仁也。體舊相禮也。崇高節義也。今制冊之下。中外固知朕意之所在矣。可以一謙而廢三美乎。宜承茂恩。勿復有□。

賜鄭聞新除四川宣撫使再辭免除資政殿大學士不允不得再有陳請詔

朕眷懷全蜀。邈在西陲。惠寧一方。執專制閫之寄。顧瞻四近。迺輟贊元之賢。考釋僉言。稽參懋典。爰□□

於祕殿。庶倚重於壯猶。將疾而驅。已嘉忠靈。益□□牧。尙執勞謙。成命旣行。多辭徒費。夫文武惟其所用。當應之不窮。功名隱於無形。必施而後見。使朕護安彊之效。繫卿恢久大之圖。則君臣俱榮。中外同福。區區小節。豈所望哉。宜卽欽承。毋復有請。

賜中大夫提舉江州太平興國宮林安宅辭免除龍圖閣學士不允詔

朕取才不責其備。用人必全其終。豈嘗參宥密之謀。可獨後褒榮之典。卿蚤揚時譽。晚踐政塗。坐一省以去朝。積累年而置散。肆因郊賚。稍進寵名。雖君子允迪於勞謙。益堅素守。顧大臣當優於眷禮。難廢彝章。姑略多辭。亟宜祗服。

賜武康軍承宣使新知揚州王琪辭免差充荆鄂駐劄御前諸軍統制不允詔

朕修明戎備。宣暢王靈。我得上流。爰分屯於勁旅。吾不中治。乃全付於英賢。卿夙負壯猶。屢收多績。輟□淮甸之寄。往總武昌之師。蔽自朕衷。協于輿論。蹈□義者急於報國。志功名者樂於逢辰。卽宜疾驅。毋□謙避。

賜錢端禮陳乞奉祠不允詔

朕敷求前古。致理之原。深戒刺史數易之弊。□□□吏。咸勉奮於民庸。雖爾大臣。亦徐觀於治效。卿宏才經世。令德憲邦。夙懷康濟之能。益稔耆明之譽。嘗弼予治。參周官小宰之聯。往撫乃封。卽禹宄神臯之地。教條孚洽。閭里乂寧。方倚佇於報成。奚遽形於引退。望之尊者。豈出處之當易。政之優者。尙始卒之是圖。

祇若朕懷。亟安爾位。

賜史浩再辭免加食邑食實封不允詔

朕欽柴泰壇。歷祿清廟。嘉應並見。知精意之交通。慶賜遂行。庶純禱之普洽。卿負時宿望。爲國元臣。屬修美報之儀。適阻駿奔之助。稽諸彝典。錫是徽章。惟符不于其祥。敢矜獨鄉。乃祿必當其位。奚用固辭。宜卽祇承。毋勤重請。

賜中大夫參知政事姚憲辭免差同詳定一司勅令權監修國史不允詔

朕惟明法審令。厥有彝章。昭德紀功。是存信史。博□宏達。申命纂脩。庶幾藏在名山。成一經之通體。亦使視諸故府。立萬代之洪綱。非吾大臣。誰與領此。卿遠識周乎世務。清規粵乎儒猷。肆疇乃庸。俾圖厥政。遂付鉅典。式觀全能。三王之法。合人情。豈無資於折衷。五帝之書。言常道。正有賴於裁成。任旣協於當仁。□亦循於近比。亟其祇服。毋拂予聞。

賜吳拱上表辭免進封武功郡開國公加食邑食實封不允不得再有陳請詔

朕甚重名而貴器。比者按圖規土。出名鎮之節。而畀之爾。亦惟爾先世之忠烈。乃身之勤勞。咸在王家。不可廢賞。念爾先仁也。疇爾勞義也。一舉而兩善得。於是無愧。爾乃陳德弗稱。願還之少府之官。豈朕意哉。令出惟行。雖辭無益。

賜宣奉大夫右丞相曾懷乞解罷機政不允詔

朕惟成周之盛。于時大臣之賢。至歷四世。耆德之尊。皤然在位。不聞有謝事之辭。亦不聞有遺年之議。今朕不逮。所與共治者。惟是老猶碩輔。乘誼承翼。克將予于有濟。爾乃陳力不及。願致吾機政而歸。朕豈以力望丞相哉。舉綱總要。優游廟堂。論道之餘。亦足□逸。

賜右丞相曾懷再降詔不允不得更有陳請詔

朕惟天下之事。誠使老者謀之。壯者決之。雖聖賢不能易矣。朕率是道以用人。爰得耆輔。延登廟堂。敷□令猶。凝亮嘉績。方日虛己以聽。庶乎治功之隆。遽茲懇辭。欲以閑請。豈體朕羞耆尚賢之意乎。比歲宰輔之臣。病於數易。今四海具瞻之地。爰立未久。又復□去。人斯謂何。祇服眷懷。亟起就位。

賜資政殿大學士通議大夫知紹興軍府事兩浙東路安撫使錢端禮辭免除觀文殿學士不允

詔

朕觀古者君臣交通。中外均壹。有若姬旦。實勤西人之思。乃如畢公。卒成東郊之治。朕甚嘉之。卿秉誼純明。受材宏達。曩在政路。邦其安榮。肆典輔藩。民以綏靖。觀文舊紫宸殿也。禁廬邃嚴。儒職隆重。近時唯前宰得除。今舉爲爾寵。表善政而崇舊德。庶幾致其優異者焉。宜略謙辭。亟圖祇服。

賜資政殿大學士通議大夫知紹興軍府事錢端禮再辭免除觀文殿學士不允不得□有陳請

詔

朕獨觀化原。詳覈吏治。宅乃牧而敷政。維以乂民。選所表而懋功。庶其自近。卿蘊高明之學。稟方重之□。

久典輔藩。式崇賢望。誕布中和之化。肆宣寬大之□。爰嘉美庸。用錫殊寵。舊臣作鎮。衆所具瞻。信賞時□。餘將交勸。未體褒康之意。尙勤謙避之辭。成命已孚。多言奚益。

賜王友直辭免除奉國軍節度使依前殿前副都指揮使加食邑食實封不允詔

朕規長策以馭邦。乘至權而厲世。整軍經武。維干戈之省厥躬。念功簡勞。必爵祿之當其位。卿志懷沉遠。材力敏彊。蔽自朕心。總茲禁旅。持己益知於廉謹。治軍尤見於方嚴。盡革弊原。具殫忠蘊。肆優加於褒典。庶風厲於羣臣。賞不踰勳。已允諧於輿論。言唯作命。諒難徇於謙懷。祇若寵榮。勉圖報禮。

賜朝請郎權吏部尙書兼太子詹事兼侍讀李彥穎乞除一在外宮觀或待次小郡差遣不允詔

朕敷求羣材。列布庶位。乃眷禁殿之長。有如端亮之臣。庶幾共濟遠圖。詎可獨全小節。卿性資莊重。氣守剛方。銓曹稱通簡之風。經幄見淵源之論。仍資正學。俾輔儲宮。具孚令猶。休有崇望。遽披遜牘。備著誠忱。虛己待賢。維朕志之不貳。引疾辭位。豈爾心之有遐。就使欲其名推止足之高。寧不念乃后失老成之□。三復來奏。憮然莫從。

賜奉國軍承宣使士矩辭免特差知南外宗正事不允詔

朕以不逮奉承聖緒之休。永念本支之盛。所以鎮萬民彊王室也。乃眷南顧。有繁吾宗。肆疇懿賢。命以董正。卿性資純戊。德度粹溫。周旋禮義之經。被服詩書之訓。考屬稽行。無逾汝宜。方崇公族振振之風。難徇君子謙謙之節。亟其祇服。毋復過陳。